

濟陽縣志卷之十二

邑令臨桂胡德琳纂修

藝文志

傳 贊 碑銘 誌銘 銘

教諭王省傳 明史

王省字子職江西吉水人洪武五年領鄉薦至京詔免會試命吏部次第擢用省以親老乞歸養尋以文學徵上親試稱旨當殊擢省自陳才薄親老乞便養得浮梁教諭外艱改睢陽凡八年又改濟陽靖難兵至省爲游

濟陽縣志

卷之十二 傳

一

兵所執從容引譬辭義慷慨衆舍之省歸坐明倫堂伐鼓集諸生謂曰若等知此堂何爲名明倫今且勿多論只說君臣之義何如省大哭諸生亦大哭遂以頭觸柱死女靜適卽墨主簿周鳳岐聞兵至濟陽謂父必死三遣人往訪竟得遺骸歸葬省子禎爲夔州通判亦抗節死賊中

教諭王公贊

明 周應治

秩不必崇祿豈在臚恤緯憂深懷沙心苦秉鐸雖微風教是主祿焉避難罷士儔伍齊黃之死難端自紐其他

族夷皆由掣肘非公生亂何嫌何咎升斗君粟抱關君
守明倫大呼觸柱碎首烈峻文山清澈濟瀏祇成個是
遑恤死所汨羅首陽同此遐舉

生員高賢寧傳

一作咸寧

李 贄

高賢寧濟陽儒學諸生也受學於教諭王省建文中貢
爲國子生靖難兵攻濟南不下以箭射書城中使亟降
賢寧時在城中作周公輔成王論射城外請罷兵靖難
後被執文皇曰此作論秀才耶秀才好人命官之賢寧
固辭其友紀綱時爲錦衣指揮倖用事勸之就職賢寧
拒不聽曰君以軍旅發身我本書生食祿有年於義不
可綱言於上得遣歸年至九十七卒

方伯高公傳

楊玉潤

通奉大夫山西左方伯念吾高公者濟南之濟陽人諱
時字曰師孔先世冀州棗強人國初遠祖昇始徙濟陽
家世農業傳五世至封奉政大夫守賢實生大夫大夫
穎甚曰誦萬言年十六以易補郡諸生擢管爲文若夙
儲以待觸機而流不煩思索奇思藻語咄咄驚人同儕
皆辟易下之丁卯舉於鄉明年戊辰成進士初試爲山

陽令據江淮孔道輪蹄輻輳令將迎餽送不勝其罷值
淮水泛溢野無青草小民狂呼奔命大夫日夜撫循多
方賑恤於楊柳浦等處築堤二百餘里復更正差徭賦
法民樂其便有淮干保障驛路風清之頌大夫冰蘖自
守不能俛而事貴人以故僅轉南部時論屈之脂車
且行山陽人遮道攀留不可得相與建祠肖像尸祝之
礮石爲文以志思焉今上改元得膺綸命未幾而封公
之訃報矣北歸守制擗踊而泣喪葬一秉於禮免服補
北戶部主事監兌湖廣於商不病而稅溢尋陞郎中督

理江西糧儲以解官兌以原封給毫釐不相涉而官役
免於侵漁由是清譽遍臯蘭矣會兩宮大慶復荷恩綸
差滿出守新安新安於江南稱劇郡俗悍而健訟奢而
尚氣大夫湔刷敝蠹俗稍爲變帑藏每爲奸吏乾沒大
夫發其奸盡法懲創著爲令郡人快之拔博士弟子之
雋者命題較藝豐其薪水而評隲其軒輊徽益斌斌多
文學之士矣重新學宮所捐俸數百緡又爲遷文昌閣
於龍井山以應風氣青衿蒸蒸思奮以故賔興士至三
十人前此未有也徽地饒甲於旁郡大夫常祿之外毫

不與焉士民大服爲百年所僅見者尋以奏最觀察浙中郡人遮道畱相與尸祝之若山陽然相國許公爲文以紀德政狀公惠如鄭僑介如公儀化俗如文翁不寃如定國皆爲實錄司徒殷公爲文以志去思蓋千百人若同一心若出一口誰謂徽人強梗難化耶便道省覲太宜人太宜人有三女絕憐愛之不欲往大夫知太宜人意以俸金分給三妹復割以腴田甚得太宜人歡時太宜人尙善七箸無恙大夫欲畱養太宜人強之行乃畱張宜人奉甘旨單騎之官俄夜有妖夢醒而駭焉無

何訃報至抱恨終天卽日徒跣歸抵里叩棺而泣繼之以血絕水粒者三日呻吟苦次體瘠如柴見者無不酸吳旣葬一遵禮制而哭泣之哀人人稱孝子云免服補河南憲副駐節檀城檀爲畿輔要地時有虜警大夫日夜擘畫一方寧謐已遷霸州其地民頑而多盜大夫首進父老申保甲之法嚴緝之盜遂屏息屬郡涿鹿當天

下通衢冠蓋旁午月無虛日都下貴人經涿者涿守白狀當有餽遺大夫辭以無具守爲計曰公役之衰疲者精簡之歲可得千金何憂無具公謝不敏曰役以食爲

天奪其精以媚京貴人何忍也守慚而退尋擢大叅駐
井陘高邑有一夜斃三人者索之不得連及良民三年
未決大夫下車一捕得之一方驚服稱爲神明尋擢掌
秦臬時有邊功上命加俸一級遂晉右方伯俸大夫謂
提刑之任非徒以執法爲良理直抑枉政欲使無刑耳
一任法爲出入未嘗厲威稜以厚誣無辜情有可原者
悉爲昭雪民賴以全活者甚衆學使某公號爲文章宗
匠令其子北面委質故公與大夫尤稱莫逆丙申陞晉
藩右轄隨以入覲北行丁酉履任撫臺魏公甚倚重大

濟陽縣志

卷之十一

傳

五

夫有不決之疑悉以咨之歲杪轉左當大比期科場諸
務極力經畫或有累及小民者盡爲釐革旦暮焦勞從
感大疾將屬纊時執藐諸孤手曰汝能讀父書自澡飭
卽吾兒不則自暴自棄將負吾且以保釐晉陽德惠未
給爲可恨耳遂瞑目而逝危迫之秋猶不忘公家如此
大夫歷任南北所居民富所去見思古人也尤優厚族
人以伯翁曾所受業者旣貴以所俸給之伯翁沒孤幼
大夫撫之如子慮違其性復慮不達其材旋以所治田
宅分予之少讀書村落有農人朱姓者獨重公已而宦

遊歸朱匿去不見公延之與道舊如平生歡裨漸至豐厚其不忘故交有如此歷官三十年任怨任勞不期便已常曰瘠人肥己可以娛目前不可爲子孫計久遠居平食不兼味衣不重彩樂易質直不設城府不喜逢迎尤長於吏事卒未嘗以此上人其於道德功名可謂兼之矣余不獲覩公丰采獲與公之二子遊二子自英少如謝家寶樹風規秀整望之藐姑射仙人也長有恆於古今文辭經目不忘下筆卽清瑩如許溢於時流人有侮之者或自旁屬曰君先大夫年友寮吏悉據要津倘

得少謁可以壓服里中諸惡少長君遜謝終不顧也次有愷美質好學相繼入邑庠季有恪尙幼嗚呼若大夫者可謂不忘矣外史氏潤曰余家食時卽聞濟南高大夫賢得之故柱史梁公云柱史爲余祖舅好品題海內賢士大夫極愼許可而津津口大夫不置余至今頷之旣承乏東臯四載間從遊濟之大夫士益口大夫津津豈秉彝好德無論疎逖有同心耶大夫諸狀何異古人其敷歷外中何異漢之循吏惜年不勝德不能竟厥施假令大夫而壽必巍然八座裨國裨民不止一方而已

三子翩翩霞舉既才且賢其天以此報大夫耶周南楊
玉潤撰

汪太公傳贊

王琢璞

外史王子曰余讀皇陵碑記知有所謂汪氏老母者備
醴馨香爲高皇潛龍一勺潤後襲封萬戶侯公其苗裔
焉醴有源芝有根耶古來以勳位名者項背相望至李
元爽趙逸輩何僅僅也卽如我曹素封豈伊乏人然名
不出四境公畸於人而侔於天德福可謂兼之矣世無
西伯誰載後車君非漢武誰命蒲輪所遇然耳噫子角
濟陽縣志

卷之十一

傳

七

去齒傳翼兩足彼蒼固嗇之彼而豐之此也食德之報
蓋未可量哉

少廷尉王公傳

國朝

李元直

公諱良相字篤貞別號瑄白先世爲東牟萊陽人七
祖善成始徙濟陽西北十里因名王氏村代有陰德
人傳至公弱齡就學凡經傳子史一覽成誦爲文有藻
思年十八補博士弟子員試輒冠軍以優等食餼登萬
歷己酉鄉薦屢上公車得而復失念雙親垂白宜捧檄
慰銓謁得授畿南靜海縣地鹵民疲爲九河要衝輪蹄

如織頗艱奔命公調停有法往來無重累津門帶甲數
萬雲屯境上軍民易囂公畱神訓輯胥權呼戴之適獨
流鎮卒爲劣弁致譁公單騎馳諭卽伏首敬從案牘無
畱催科不擾尤雅意作人拔青衿之俊者續食考課評
甲乙士乃奮興昂首科名如王公正思官至少司徒
高公爾儼由殿元累遷大拜皆出門下其明驗也居二
載邑大治巡按提學左光斗有露湛千門歡騰萬口之
褒巡青都給事魏大中御史袁化中交章推薦賢冠一
時未幾調繁東光令士民徬徨借寇不可得爲立去思

濟陽縣志

卷之十一

傳

八

碑建祠尸祝之蒞光一如治靜海數年政簡刑清遷西
安郡丞邑人奔懇上憲題畱遂改授河間司馬循良懋
著晉大理寺左評事時獄情繁夥堂卿獨倚重公民以
無冤轉左寺副加卿銜奉命巡楚時值璫禍甚熾遂賦
歸來飄然還里慰倚閭望舞綵導歡嚴督子若孫課讀
癸酉秋太孺人脫簪珥不數月封公復捐館舍公哀毀
盡禮摒擋葬事情文備至不以分擔望厥弟卽弟獨承
遺產坦然弗問服闋度城隅營菟裘與親舊吟嘯其中
戊寅季冬濟城陷家罹慘禍公驚痛交深釀成痰症發

不出四境公畸於人而侔於天德福可謂兼之矣世無西伯誰載後車君非漢武誰命蒲輪所遇然耳噫予角去齒傅翼兩足彼蒼固嗇之彼而豐之此也食德之報蓋未可量哉

處士毅菴王公傳

國朝 朱 垣 邑令

余嘗讀詩之蓼莪章曰哀哀父母生我劬勞有味斯言生人之本百行之原具於是矣故不獨古人讀之而流涕卽今人反覆沉潛咏歎淫佚亦未有不動厥心者然一暴十寒純備者鮮求其能體是者惟濟陽王處士焉

濟陽縣志

卷之十一 傳

九

余壬申春承乏濟邑案牘之暇卽畱意人物得諸士民之羣相樂道有曰王公士宏號毅菴者其先自萊遷濟越七傳至諱良相由科第歷官少廷尉爲一時名臣是爲公之高祖曾祖諱視遠祖諱公鳳父卽櫛年也公生之前一日祖母高太孺人夜夢神人抱一嬰兒眉眼如畫語曰汝家世有令德當代有令嗣遂畱兒以去翌日果生公英姿魁傑賦性醇良太孺人視之喜顧公母艾孺人曰是兒必大吾門數歲依依膝下視膳問安晨昏定省儼若成人七歲就外傳授以孝經及古孝子傳卽

能推究一事之本末尙論一人之始終反覆而後已慨然如見其人如親其事者嗣父病痢甚親侍湯藥衣不解帶者累旬夜焚香祈禱願以身代至痊公未嘗與父言父亦不之知也童僕奴隸皆稱之由是孝行孚於內外鄉里族黨無間言或有值家變就問者公泫然曰罔極之恩捐軀難報况身體髮膚皆受之父母奈何以父母身忤父母乎人莫不帖服其言爲至性語娶高氏有桓孟風公語之曰吾祖母年逾古稀父母髮皆垂白不可以家務累今闔以外我爲政闔以內汝當盡力焉公

精神強壯任家事寒暑無殫細大不遺雍正元年秋公偶病未愈值田禾方熟恐以料理無人貽堂上憂勉強支持爲寒暑所侵舊疾復作而歿此蓋得諸士民之傳聞者若此及校士又得公之子迺晡者冠衆士首獲觀公之行狀與傳聞悉符然則公之行與蓼莪之詩人其意豈異耶嗟乎古今人同不同雖未可知而孝爲順德攸好胥然吾故爲之傳以諷世云

閔孝子傳

周龍官

閔孝子者名士綺字季公山東濟陽人先世故業儒多

陰德父忻敦崇名節有義俠風鄉里多重之生子四季公其三也天資明敏甫勺象誦詩書大義了了年十七補邑弟子員性至孝三歲失母及長哀思不置以父故值歲時恒夜悲愴淚漬枕席事繼母盡得其歡心晨昏出入依父側未嘗或違其志父知其有治蹟才命之仕遵例授直藩理問逾八載以幹稱累陞山西太原府岢嵐州知州丙寅秋委督中臺廟工時方八月雪深三尺親率夫役數百人捐給食用不逾旬工竣次年撫軍弊吏以明練老成稱最調繁朔州甫抵任父訃音至焉先

試椽藩貳皆迎父於署晨夕親色笑及宦滯山城屢迎請以路險不耐奔涉辭不往季公告終養爲例格每月遣人馳候無間而意殊怏怏也至是聞訃卽失聲大痛水漿不入於口絕而復甦者數次踉蹌奔里掩面涕泣望見閭門搶呼異甚已而撫棺號哭嘔血數升輒昏絕家人灌以水漿漸甦問附身附官狀越夕時宗族子弟羣集於庭設祭奠長號淚盡繼之以血仆地不醒衆驚扶而氣已絕於是觀者莫不涕流鄉里聞者咸奔視歎息曰眞孝子也季公生魁梧無委巷齷齪氣性直介燕

居時言笑不苟見義雷奮風發不少退却岢嵐州近邊
塞俗好商賈不務耕讀季公循行勸課以勤惰爲賞罰
久之無貧富各有常業建義學延師教育多方獎勵之
文風騰上歲辦軍需以地瘠民貧不欲累苦百姓率自
捐備事竣民若不知者攝興縣陽曲保德嵐縣諸縣篆
邑有豪右健訟爲民蠹者季公執法不少縱宥風聲所
及皆斂跡莫敢逞于商民之久苦供應者悉更除之至
今猶頌其德焉睦兄弟尤篤歲暮必析俸以濟族鄰貧
之嘗謂其子曰我一生行事惟憑良心常於清夜鐘聲

自問恒恐不可以質鬼神嗚呼若其志事則亦非世俗
之吏所可及也卒年四十七子文球有文章克嗣其家
聲云 論曰余嘗讀晉史至阮籍傳籍與人圍碁母終
籍猶不止乃一痛吐血數升及葬食一蒸豚飲酒二斗
又一痛吐血數升而史稱其至孝不以其疎放少之使
籍當日者行止一循乎禮法而緣哀毀遂滅其性吾不
知其稱於後世又宜何如也喪禮陵遲至今日極矣士
大夫飲酒食肉坦然言笑幾若忘生所自來下之人尤
而效之又有甚焉孔子所謂與其易也寧戚之意蓋泯

焉無復聞者以予觀於季公行至高動遵乎禮而以痛親致死發乎情出乎中心之真誠而不自知可不謂難能者與宜乎其聞之者之慕于其孝而蒸然動也忠臣死難義婦死節俱合乎中庸而爲人之所難能者固皆爲王政之所必旌與嗚呼倫理之所以常存而人心之所以不泯若季公者詎不足多乎哉

白雲居士傳

周新邦 邑人

白雲居士者姓艾氏諱元衡字平子大司寇長人公之介弟也父諱馥任沙河縣令有能名卒祀鄉賢居士幼

濟陽縣志

卷之十一 傳

十三

而勤敏博稽羣書善屬文尤工詩賦師事張稷若先生年未弱冠與長人公同補博士弟子員繡水先達謝公贈以詩曰著論賈生選作賦子雲才相逢渾未識疑是渡江來蓋自喻張茂先之見士衡士龍也旣而長人捷南宮居士自家遺以五言詩百韻勉以讀書聞道裕實用以報國未幾貢

內艱幾

至滅性遂自傷蹉跎絕意仕進彈琴著書優游林泉以自樂居北有地名馬坡相傳明成祖靖難兵攻濟南牧馬於此居士過之作懷古詩二首慷慨激烈人傳誦之

後長人公歷仕館閣總西臺晉司寇膺心膺之寄爲一時名臣地得進賢頗慕初奚之舉微示意於居士居士曰物禁太盛兄已接武夔龍弟亦欲比肩巢許况先人邱隴遠京千里每歲寒食誰以一盂麥飯奠松楸間乎兄爲其忠弟爲其孝亦家門之幸也長人公遂不復強旋以

覃恩廕授上林苑監丞往來京師同老成宿儒流覽名勝賦詩贈答篇章甚富其題碧雲寺詩尤爲當時鉅公所賞鑒著有南華經解道德經注釋法言挾奧詞理湛深爲

濟陽縣志

卷之十一

傳

十四

世所重居士雖不仕一居一處不忘長人公秋官白雲也故名其居曰白雲莊自號白雲居士云

教諭高岱宗傳

黃叔琳

高君名佶字正君一字岱宗高祖諱時以進士起家歷官晉藩爲故明隆萬名臣任浙江兵備蕩平海寇奉勅建坊曰冰符玉節時生有恒有恒生二子長自詣令新安無子次自訓宰黃岡生子霖仕江南裏河州同知嗣新安公後生子四君其仲也端穎有異表年四歲值地震幼妹臥室中趨挾之出屋立圮人咸奇之就外傳一

覽輒成誦踰年遍經書爲文思致泉湧日成數十藝弱冠入庠旋試冠軍食餼方伯衛公聞其名召讀書白雪書院英流雲集君爲都講裏河公任俠好客賢豪至者無虛日君侍父周旋其間言論丰采見者心醉與伯兄比屋居兄居卑隘推已廬與之別購宅居焉家無中人產利濟爲懷急人之難如恐不及凡親族貧者病者吉凶之禮不克以時舉者傾囊賑之捐梓前輩張稷若儀禮句讀嘉惠後學 聖廟傾圮康熙雍正乾隆間再三修皆君捐輸尸其事舊無學署君竭力籌畫募金構宅

濟陽縣志

卷之十一

傳

十五

自是學博正副始有署嘗因甲辰修學官邑令郎毀冰符玉節坊取石去曰禮殿用也春秋丁祭議頒胙二斤以酬若石而誌樂輸具詳藩憲君赴憲辭云毀坊非樂輸也泣思先人報國苦心長畱一片石卽不肖敢爲肉博義舉名先人豈無吐之藩憲惻然仍命移還勒石記其事後郎令被劾狼狽君屢拯其困復爲募邑人資歸裝人咸服君守兼服君量云壬寅以恩貢需次已未授陰教諭邑狹僻士多貧乏君至首修黌宮月課以城鄉分試多士便之進其尤者爲剖濂洛關閩性命之旨

惟以敦倫實踐爲務士風由茲大振踰五稔以髦引歸
閉戶訓子孫不入公府素律身齋莊燕居危坐雖盛暑
未嘗租跣待下以寬不輕辱詈恤饑寒節勞肆曰此亦
人子也自壬寅斷弦不再續或勸之曰吾始娶王氏不
幸二年卒繼戴氏上事吾親助吾孝中庀家事貸吾勤
下撫子女飲食教誨裕吾後匍匐黽勉况瘁極矣一旦
云亡痛悼何忍越三十載卒年九十一歲耳目聰明神
明不損蓋葆其天者全也子五人孫曾二十餘人皆世
其家聲論曰於戲人品之辨豈不存乎學術哉然惟心
術端而學術正學術正而人品立高君爲余督學所取
士數奇不偶落拓一冷官余甚惜之乃觀於倫紀之間
可以識修身之道修道之仁無愧人倫模楷矣境遇升
沉何論焉

進士澹亭王公傳

莊培因

公諱介禧字綏甫別號澹亭其先東牟萊陽人也五世
祖良相歷宰靜海東光等邑所至輒有聲後晉大理寺
左評事轉左寺副加卿銜良相之子曰視遠視遠之子
曰公麟公麟之子曰椿年椿年之子曰任任卽公之考

也世業儒代有文名公生六歲就外傳舉止儼若成人年十二能備記誦周易尚書毛詩史記凡餘萬言同學諸子咸敬憚之十四失怙事祖母戴氏母艾氏益謹間黨以孝稱公既孤矢志上進偕諸弟力學書無不覽雅善詞章工詩賦凡其著作直欲突過前人陳言務去憂憂難之年二十四補邑弟子員肄業灤源書院聲名藉甚爲諸當事所器重庚午鄉試列副車旋中壬申

恩科順天舉人聯捷成進士 殿試甫畢未及傳臚而公已於前一日卒時年三十有四或以爲任大羅使云

濟陽縣志

卷之十一

傳

十七

嗚呼天之愛才甚矣天之阨才亦甚矣使天加公以年則功名事業自可立就濟人利物其用無窮而僅止於斯也固不能不爲公惜也然吾以爲公之文章在公之聞望亦在不朽之事有在此而不在彼者孔子云君子疾沒世而名不稱焉又曰朝聞道夕死可矣賈子云貪夫徇利烈士徇名由此觀之在天耶在人耶自致於青雲之上而于辭于聲傳於後世則公之不沒於天壤者寧有已時哉吾故歷敘公之生平而爲之傳

王氏節孝傳

袁齊敬

邑令

廩生王公鳳之妻高氏母家爲濟邑望族素嫻大義公鳳卒遺子櫬年孤幼氏辛勤撫育備極艱危後櫬年貢於鄉蘄然見頭角羣推母氏之力焉雍正九年建坊旌表諸孫六人皆蜚聲庠序嗣長孫士宏亡妻高氏守志與氏同起居共甘苦貞操孝行嘖嘖宗黨間乾隆十八年建坊旌表其三孫邑庠生士瑜妻高氏六孫士璣妻艾氏俱苦節至今幾三十年之死靡他有如皎日嗚呼士窮乃見節義婦道亦然吾於王氏一門有足多云

王氏三世節孝傳

田 玉

貢生王椿年之妻戴氏與監生王楸年之妻李氏妯娌也系由望族作配名門青女素娥共別琴中之鶴孤辰寡宿並愁鏡裏之鸞堂前之老母誰供子職而婦功是代膝下之遺雛可念母儀而父道還兼倘令二鳳齊名李氏之功最偉詎意雙騏偕逝戴氏之遇彌難爰及長婦次婦金石爲心松筠著節幸恩勤以鬻子得含飴而弄孫痛手澤之將涇聲聲血泪畫荻灰而爲訓字字苦辛方冀藜閣然光芹宮煥彩奈名甫題乎雁塔遽賦玉樓翻未振夫鵬程遂登鬼錄更偕孫婦冰霜分嚼有苦

無甘珠桂共嘗是飢非飽機聲軋軋春無日以非秋目
力昏昏晝何時而不夜苦節五十九年壽終八十一歲
弟婦李氏苦節五十有三至今七十餘九兒婦艾氏苦
節各三十五載現今俱六十三歲至若孫婦艾氏周氏
並皆茹荼集蓼守節完貞備歷艱虞足傳梗概嗚呼一
門三世栢舟克嗣徽音四蹇六盲巾幘永垂懿教

翰林學士楊公神道碑銘

元 李 謙

公諱文郁字從周其先恩州人宋仁宗朝有以司法官齊州者因家焉是爲公六世祖金天會間割章邱臨邑禹城長清之地立濟陽遂爲濟陽人司法生好古嘗官將仕郎將仕生懋字勉之阜昌間官忠顯校尉忠顯三子其季曰彬字俊臣俊臣子貴贈少中大夫少中一子諱君烈字清卿年二十二登太和三年詞賦進士第敷歷中外蔚爲名臣遭離叔季終於太府少監積階通議大夫勲輕車都尉爵宏農郡開國伯食邑七百戶公之

濟陽縣志

卷之十一

碑銘

二十

祖也妣李氏宏農郡君二子長曰珪字禹錫業其家學爲文筆不停輟敏捷立成有聲場屋間數舉進士不利試部令史中選不及仕還鄉里滑稽玩世以易爲專門之學扁所居之齋曰學易年六十三終於家妣周氏繼室石氏年八十九今無恙仲曰珍字天錫公之考也剛直不撓卓越於流俗鄉人皆敬憚之壽七十有四妣劉氏前進士譙縣簿乙之女婦德母儀中表以爲法子男三人公其長也次文煥字仲章次文蔚字季章女二人適皇甫氏郭氏公天資穎悟弱不好弄舉止異常兒始

齷讀書殆若夙習然通議君素所鍾愛嘗會集賔友漫取西漢書命公讀之句讀分明音吐宏暢一座傾歎通議君益喜謂家人曰是兒不凡當有起家之望因名而字之教之作文下筆卽有可觀年十三通議君棄養學易授以科舉之業賦義皆中律度旣而聚書探求聖賢旨意時遭喪亂典籍散逸每從人借觀輒手自抄錄以至忘寒暑饑渴必卒功而後已平生冲澹寡慾琴書之外無他嗜好或得新書耽玩未嘗去手雖家務生理畧不顧省年幾強仕本道提刑按察使陳節齋聞其名貢

濟陽縣志

卷之十一

碑銘

二十一

諸朝除闕里教授遠方之士從之受業者多所成就至元十五年翰林國史院薦授應奉翰林文字時江南旣平詔會諸王於京師賞賚禮成謂翰林老儒亦宜沾被恩渥例有銀器杯枕之賜公亦與焉御史大夫月耳魯國朝右族大臣莫與爲比詔翰林院屬講授通鑑公充其選尋補翰林院修撰迨翰林集賢合而爲一兼集賢修撰歷待制進直學士秩滿改國子祭酒元貞二年移疾還鄉大德元年十月制使特徵乘傳至京師拜翰林院侍講學士知制誥同修國史二年侍臣有以翰林集

賢諸學士貧乏不能自存爲言者上曰胡不早聞命出
內府寶鈔分賜公實受七千五百緡是歲扈從如上都
秋八月車駕將南還駐城南近郊趨遣使來召命草詔
諭高麗旣就藁詔階平章政事伯顏先聞於皇太后皇
太后大悅使之坐慰勞良久命飲以湯粥進至上前奏
讀詞意稱旨顧謂近臣曰此適朕心所欲言口不能宣
而文士能達朕意且問汝向爲何官今爲何官與何人
同列對皆如上旨獎諭而退歲餘升翰林學士忠順大
夫餘如故尋進官大中大夫暇日語妻子曰吾一介書

濟陽縣志

卷之十一

碑銘

二十二

生遭際聖代官至三品壽瀕七十當服止足之戒故集
賢學士周先生正平年七十棄官而歸余素所欽慕今
予六十有八矣速當謀歸旌紀先隴以畢爲子之願倘
徉桑梓以終餘齡不亦樂乎俄邁疾遂不起卒於大都
之寓舍大德七年三月二十八日也享年七十有九夫
人劉氏隸州判官汝礪之女寡言笑事姑舅恭恪柔順
居家儉素遇煩勞以身先之子男三人曰去疾曰僖曰
倬皆紹世業女一人嫁高唐尹趙野翰林侍講學士西
臯之子也男孫五人女孫二人皆幼方其疾革也與夫

人請聞遺命首言伯母年老汝輩宜善事之顧謂僖倬曰汝曹粗知爲學其律身謹嚴慎勿貽笑於人僖倬泣莫禁復諭之曰生死人之常理奚足悲吾所以不欲命汝者政恐如此遂不復言居數日僖倬奉喪南歸有司遣兵仗護送至其家用四月二十八日葬於縣北賀家里南原先塋之次公自入翰苑至終其身凡朝省有所集議未嘗不與臨事好謀擇其善者從之其或不善則莫詭隨嘗謂人曰與其自用已見曷若兼人所長豈必事事皆出諸已然後爲快哉矧事皆已出未必盡善

也人以爲名言素嫉惡惟恐其不相遠也或時不得拒絕雖對坐移時至不交一言其耿介類此戒飭諸子嘗曰予無他長但誠實不欺而已汝曹立身行已切宜識之設或飾詐求媚以求進取之計何足爲榮直道而行爲時所擯亦烏足爲辱哉惟有誠而已親舊間或有處事不合於義者第以誠言規勸雖恚怒弗恤也久之其人當自知政使不知有何害君子愛人以德義當然耳時有急於名宦者公婉諭之曰人生窮達有命何必區區乃爾其安於所遇蓋如此公生長見聞且素從鄉先

生張清眞楊素菴杜止軒遊得其議論爲多爲文必援
據義例質實不崇華藻有林下集藏於家公少子二年
在翰苑日與予情好雅相得予告老家居聞公之訃不
覺流涕之覆面也去疾昆弟迭至以碑銘屬泣且拜曰
知先君莫如公且先君之志常欲求責先隴今無及矣
所以銘墓道者敢以執筆爲請謙雖老在故舊之義其
可辭乎銘曰乃翁燕 乃孫庭趨九齡而與元文人
君家之童烏一目所經十行與俱業紹箕裘已見於侍
學之初闕里五年諸生範模游泳聖門春風舞雩聲光
濟陽縣志

卷之十一

碑銘

二十四

日隆行實相符方聖代之貪賢人其舍諸人直鑾掖
軻亨衢得粗行其所學於以備顧問而叅謀謨寵數便
蕃增光里閭前後鮮倫雅志不爲不攄引年有期心懷
二疏一疾而僨不起茲非其遺恨也歟

楊文安公祠堂碑辭

張起巖

辭曰於潔兮几筵有楚兮豆籩尊爵崇兮清旨果修設
兮芳鮮庭燎輝兮樂比就位拜興兮祝獻恪虔公之馭
兮翩翩來臨來下兮靈風肅然監觀兮禮儀穆穆將愉
愉兮燕度媛歆享兮誠懿啟慧疏兮後學綿綿蘭有畹

兮杜有林唯鶯求友兮載好其音矧餘風兮未遠不繩
以蹈兮嗟爾有覲偉襟佩兮蒸蒸公之膏馥兮永永其
承

杜侯畫像碑銘

李師聖

爲治之規兩端爲重所謂天子之職論一相者由上而
達於下也所謂縣令最爲近民者由下而達於上也源
清本固制治之大端舉矣所繫如此宜授受者之難其
人也且令之爲令通乎上下中書尚書省之大首家宰
焉曰宰曰尹義亦如之考之歷代人物始臨一邑卒登

濟陽縣志

卷之十一

碑銘

二十五

八座者比比有之以見兩端之對立一揆之同歸嗟乎
縣令之寄不爲輕也昔孔門弟子有子羔者子路使之
爲費宰夫子猶曰賊夫人之子蓋病其生質之美未之
學也過此以往其誰實堪之夫人之爲學所以明夫道
理而有諸已也仕而不學則是不有道理者之冒居民
之上也可不可耶粵自中統至元以來里有社社有學
若縣若州若大府節級聯屬皆以所由而例主我世祖
皇帝聖意所注其不專爲吏民設也亦明矣奈何照臨
之下知恤者鮮日玩月偷徒爲文具無乃賊之甚乎魏

人杜浩卿溥之尹濟陽也振刷惟新威惠並著五事甫就緒尤亟以興建學校爲務意嚮所在耆艾豪右爭先趨而相之未幾落成縣宇精彩爲之一變浩卿天資英爽蒞事明敏而以忠敬將之雅尚文學喜與士人遊其所守所行往往近於道而屢中於理所謂吏名而儒行者殆亦庶幾焉既終更再踰年邑人追念不置有祖欽者昌言於衆曰杜尹異人也而人不異之縣亦有人乎哉於是採羣議錄素行具畫一於卷軸而請銘余竊謂凡居官者才器之偉政績之異其尤彰彰者史則籍之

濟陽縣志

卷之十一

碑銘

二十六

而士亦多私記之質諸公論罔不相諧尙奚以請爲哉如浩卿作縣游刃恢恢實則跨乎職位之上超乎班行之外雖未可以公輔期之使之一旦得以展其驥足亦豈期於今之治中別駕之任而遂已耶銘曰惟杜君惠而文迴不羣尹茲邑五事給四善集建學宮振士風望益隆瓜而代越三載有遺愛藹芳馨炳丹青視此銘

按撰

碑 李師聖舊志誤師
縣 前碑正之

李氏先塋碑銘

張起巖

李氏惟恭世爲濟南濟陽人居縣之迴河鎮世業農隱

德弗耀曾祖考諱德妣陳氏祖考諱成妣吳氏成少失其父與吳事其母所以爲子爲婦之道靡不致其極母以天年終壽八十有四大德三年四月也閱既葬成悉以家事付吳結廬墓側居三年未嘗一至其家手植松栢千餘株服既除猶不忍去簣土築臺於墓之前繚以周垣然後歸卽所居立家廟以奉神主晨昏薦祭出入必面如其生時每遇時祭粢盛肴醕必豐必潔有謹無懈以終其身能服勤苦由儉樸馴致饒足至元癸巳歲侵民告饑朝廷下令有司勸富室出粟賑乏絕滿五百

濟陽縣志

卷之十一

碑銘

二十七

石與官乃出粟三百石以濟鄉里又設粥道旁周食道路之往來者口不言祿所識有貧乏分粟幣假貸無吝色久不能償者以券歸之卒於至大三年十二月六日年七十有五吳氏先卒年六十有一生六子其長諱聚惟恭之父也年未冠以戶役從軍戍江南多著勞績樞命攝百夫長元貞二年卒於軍年四十四娶郝氏繼程氏子二人惟恭生二歲而母郝氏亡又十六歲而父卒自幼暨長以至宦學有成皆賴祖訓由中書東曹掾擢戶部司計鉤考程督會括稽度鉅細必舉條例不紊不

可干以私時稱能舉其職遷濮州鄆城尹勸農興學杜
塞吏弊剔除民瘼政平訟理居鄆五年治爲山東郡邑
最超奉政大夫蔚州知州先是惟恭考妣請令於朝考
追封承務郎章邱縣尹妣郝氏恭人妻程氏恭人子三
曰著曰茂曰蓋方務學惟敬甫之祖考躬行孝義其顯
考効忠盡瘁生不享有以遺後之人敬甫又能廉介勤
恪敏於趨事李氏之慶有引而方大也是宜銘銘曰明
明上帝鑒茲下土無遐或遺靡幽弗覩李氏之先劬躬
積誠孝思不忘格於神明俾壽俾祿家以溫裕祥發嗣

濟陽縣志

卷之十一

碑銘

二十八

孫官有秩序種穀種木覬穫與材惟德罔靳慶乃大來
貞石勒銘式慰元竈勉爾後昆亦以勵世

賀公神道碑銘

元趙孟頫書在治西北六
里撰名漫滅文亦半缺畧

先皇帝至大三年庚戌封爵制行公以子復貴贈奉訓
大夫軍騎尉渤海縣男又六年復以公善狀泣請葬今
敬卜以是年七月廿有七日癸酉舉其殯暨先太君之
柩合附於新塋兆次念墓道有銘公嗣以請按公諱延
壽姓賀氏濟南濟陽縣人其遠祖家恩州後遷濟陽居
縣北十五里立塋其旁高祖之殯別葬祖塋之北爲新

瑩自始遷逮公蓋九世矣遇金季亂譜亡自高祖而上無所得五世祖登金進士第一子卽高祖有子五人其長爲曾祖諱廣子三人祖其季也諱寬祖母李氏一予是爲父諱成母霍氏生男二女四公爲長次卒女適李氏杜氏馬氏呂氏公爲人誠慤敦敏讀書通大義而於禮節獨謹故孝弟之行稱於宗黨信義之實治於友朋凡以智數以機術以侈靡相夸詡者公視之蔑如也逮晚歲其子仕益達猶日諄諄焉以廉勤忠勛之如未仕時其務遠大蓋如此春秋八十有三以大德十年丙午

濟陽縣志

卷之十一

碑銘

二十九

十二月日卒於家配崔氏賢淑惠慈克諧內治壽七十九卒實四年庚子四月七日也贈渤海縣太君子男三人女四人女長適劉氏次李氏次吳氏次高氏男曰祥穎悟好學尤工書補縣諸軍奧魯吏卒年二十有三祥娶吳氏先卒無子次卽復也沉毅有異才其學以儒吏並濟繇濟南總府掾歷官至中書左曹除承務郎禮部主事升奉訓大夫京畿都漕運判官時則有恩贈之命滿轉徽政院加奉政大夫朝列大夫宮正司丞先娶侯氏卒再娶劉氏封渤海縣君次日德主簿娶張氏男孫

四人長曰元泰復之子以從仕郎大都果木市大使遷益都縣主簿娶王氏次幼女孫四人長適王氏元泰母姊次適崔氏次金鞍皆未行夫力穡則有秋積善則有餘慶事之正理之常也稽力矣而秋弗稔善積矣而慶弗至事之岐理之變也公生當九世而下屬多難之餘其所以持身接物奉先迪後者勤劬黽勉無適而非道其沒也恩爵五等彰其祖之德孫息繩繩而門閥益高理之常者在於此乎嗚呼公可謂不易其正者矣銘曰賀本姜姓慶父之裔源遠派分澤流奕世偉惟渤海身濟陽縣志

卷之十一

碑銘

三十

以德繼子訓克邁鴛鴦是筵榮養衍衍而熾而壽貞之華表貢祺延祐庚辰五月庚戌男朝列大夫宮正司丞賀復立石

張總管世德碑銘

并序

高 詡

聖人垂立名教爲天下後世不易之大典者惟忠孝二事總百行而先之故古者求忠臣於孝子之門謂君子之事親孝則出可移於君也吾今於總管張公見之矣公一日持先代行狀過僕言曰炳立身起家析圭儋爵一出祖宗陰德所致願先生表於堅珉照耀佳城使子

孫相繼不忘孝思平生志也僕嘗與公同叅漕幕從游有日不敢以不文辭勉爲次序按公之高曾歲遠難述祖全業商賈父信亦不樂進取以財雄鄉里能出貲以周不給有貧不能償者悉毀券以貸之壬辰兵亂歲凶計里民口數多寡推食而食之賴以全活者甚衆配李氏呂氏舉三男長曰炳字彥明卽總管也幼習儒尋改吏事由濟南府掾上計燕京終始十年事無不辦上甚嘉之陞本府行省斷事歲會有積年勾考未輸銀一十萬五千兩公曲折陳情於執政者允所請民免其累邦

人咸德之庚申改元中統百爲一新立中書省凡該掾吏必擇諸路素有幹濟者任其事首次公委以邊防機密事時方用兵戰備靡有闕遺遷右司提控管都督府外郎旣而叅知政事王公任山東二路廉訪轉運使索公爲經歷悉以曹司委公又以金符付公懸帶鹺司屬變亂後器具人力掃蕩殆盡公創立制度銳意規畫歲終考課爲天下最遷廉訪府叅議總領運司兼權濟南益都瀆棣三路諸運奧魯府事至元二年授宣命金府充濟南路諸軍奧魯總管蒞政之日惟以撫諭貧民爲

急務軍戶逃竄者聞公爲政平恕比比復業所謂古之遺愛者殆庶幾矣公之二弟其孝友畧與公同古人有言忠孝萃於一門者我總管張公實有之矣故系之以銘其詞曰忠不忘君出於事親二者克全揚名立身昔人陰德後享陽報紹隆先業當思孝道赫赫我公素有士風茂膺官爵增光祖宗子孫繁多兄弟忠厚豐碑孔固天長地久

張氏世德第二碑銘

胡祇遹

銘曰苦寒微兮甘富貴古到今兮情一致財不進兮時

濟陽縣志

卷之十一

碑銘

三十二

不利老凍餓兮賤無位偉張侯兮材拔萃孝父母兮友昆季不師友兮能自勵奮青雲兮起平地日千里兮進無退名日隆兮志曰遂光祖考兮富來裔起懦夫兮發奇氣叅大政兮決大議坐廟堂兮歷中外耆指使兮如壯銳總大郡兮但臥治篤孝思兮封墓隧銘兩碑傳永世示後人兮毋失墜大元二十三年冬月

鎮撫秦公先德碑

高 詡

大矣哉在昔先聖孔子立言垂訓爲萬世著名教其間至重者惟臣子忠孝二事卓冠百行是知立身揚名以

顯父母人子之孝盡矣致身竭力爲臣之忠備矣至元三載歲在丙寅季秋九月鎮撫秦公持先代所行事跡向僕曰進成身寄軍中久矣高曾及祖歲月深遠譜系散失以致名諱不見惟我先父行狀幸在敢賴提學先生爲文紀錄庶藉考信後人光耀墳域使進成之親族兄弟下及子孫相承繼不忘孝心廣進成平生所懷之志僕感公以忠信來告不敢堅讓勉爲次序其事按春秋左氏傳釋例自魯國以下姓氏之分曰臧氏曰子服氏曰叔孫氏曰東門氏曰南氏曰秦氏有秦瑾父者孟

濟陽縣志

卷之十一

碑銘

三十三

獻子之臣有秦丕茲者乃瑾父子也又有秦周者又有秦遄者此秦之大姓始見於此焉所從來遠矣今公之家世係濟南府所屬濟陽縣父俊娶董氏生三子公乃長子次母曰杜氏生四子公之父先屬故金特授提控之職懸帶銀牌歲在壬辰天兵定河南父俊隨逐信安軍主帥張公攻打歸德府首立大功授本帥府充招撫使公於庚子年間本府權省高公授老孟萬戶劄付充五軍彈壓次在癸丑益都府尹奉朝命起立海州公隨老孟萬戶與益都尹同守此州當年夏六月蠻人入寇

攻打城池

以下字
皆漫滅

高郡侯德政碑

系詞

明許國

濟南高公守吾郡五年以課最遷觀察浙中脂車且行
郡人士扶老携幼連袂接踵攀轅絕鞞填溢街衢其胥
師里宰黨正比長無慮數百千人擁而前曰我德公公
實嚴吏而寬民能受盡言我不敢忘往吾郡俗故善訟
乘人而鬪其捷負氣而恥不勝爰書旁午日不暇給公
徐而聽之理爲之鑒情爲之衡虛含而谷應無所事察
吏亦不敢爲奸不踰年大得民和有妄人規切公言本

濟陽縣志

卷之十一

碑銘

三十四

無當公遜謝曰煩汝石攻愧予非玉耳竟禮遣之是公
之馴擾我也其孝弟力田烝髦上農無慮數千百人擁
而前曰我德公公實衣食我不敢忘國制十年更藉
百年履畝公一旦而舉兩端境內皇皇走事治絲而棼
之違言叢起卒之事不廢而民靖而圍奪者吞噏者詭
射者跡屏境埆者膏壤者曼衍者鱗次郡帑吏乾沒公
發其奸爲定計著絜令是千百年之利也其縉紳冕弁
方領曲紉無慮數千百人擁而前曰我德公公實教訓
我教之不行久矣公羣七校士而比之拔其雋者置郡

中身自臨教風厲焉捐俸數千緡重新學宮又爲遷文昌閣於龍井山衿佩之士蒸蒸日上色是公之有造也公下車盤旋勞苦諸父老子弟然後去而諸父老子弟益廛於懷相與卽府旁祠公祠成且礮石而志其思使不佞屬辭夫史遷傳循吏而所稱述者盡周秦時人豈其時無一奉法循理者可備載籍抑耳目未之逮又其人多東魯楚鄭相國類非握符而長民者安得槩稱循吏毋亦有微意長民之道可與秉國美錦學製牛刀使割有民人焉有社稷焉苟人民不失所而社稷有賴則以

爲天下可也不佞幸陪大廷末議與聞國政每緣考功令悉公治行高等又爲公郡人耳而目之久矣公在郡斗米十錢賔興士郡三十人前此未有也以余所聞諸父老吾郡良二千石代不乏人而異日者牟平孫公會稽陶公稱最孫公治郡十八年郡人尸而祝之陶公長者去郡之日猶爲民畫便宜罷千里之役所居民富所去見思公忠信豈弟類陶公而民不得借之十八年如孫公徒以公俎豆於二賢人之間公故齊郡人巖巖若泰山泱泱若東海其持身矚然不滓爲郡務安靜明而

不察威而不苛惟務便民不爲名高既往而民思之如
一曰或狀公惠愛如公孫僑介潔如公儀休興學如文
翁不寃如于定國謂之實錄今天子作新吏治惠養死
元公自今以往將益稱上意功名豈損於治郡時夫以
吏繩民民聽於吏以民徵吏吏聽於民聽吏者何常而
聽民者與天壤俱敝也俗吏矯飾以急人知公悃愾而
人自知之譬之桃李不言成蹊民心歸德焉可誣也不
佞從民心而志之石且繫之詞曰欲爲豪吏恣睢以張
威卒反中其身豪吏安可爲也欲爲饜吏饜吏朘削以
肥家卒反禍其子孫饜吏安可爲也不見高大夫居以
廉平口悛悛不道詞而治日益有聲以至於今民有口
碑載在貞珉生而俎豆歷世而不可泯勒石頌德爰
風謠以詔我後之人萬歷十四年秋九月

邢東厓義墓誌銘

黃 臣 邑人

嗚呼先生蚤有於稱墓有於齡而暢而貞而毅而雍其
出而顯也繡斧晶晶凌霜耀星其退而樂也聲光顒顒
昭林濩垆胡淵厥藏伊先之禎胡嗇厥施伊後之豐鬱
鬱佳城轄緯載征更千萬年安此靈嗚呼先生

少廷尉王公墓誌銘

邢其諫

少廷尉王公以己巳歲謝政歸至癸未之仲冬卒茲逾
百日矣兵燹匝地風鶴驚魂三郎君謀急襄大事持狀
造余再拜請誌以余交公久而知公深也卽憊而不文

濟陽縣志

卷之十一

誌銘

三十七

誼何可辭公諱良相字篤貞號瑤白先世東牟之萊陽
人七世祖諱善成始徙濟邑生三子長曰鋼鋼生環環
生京京生詔慷慨慕義有古俠士風詔生台台生享卽
公之父也公生而頎秀聰穎毀亂時入小學及能文敏
而有藻思識者目爲偉器年十八補博士弟子員董孺
人以是年來歸公旣遊泮一意披吟負笈從師不遠千
里且晨雞起誦午夜篝燈攻苦過勞遂嬰羸疾會村媪
有神降其室能言人休咎謂王公君子功名且遠大我
能療之公往求一劑霍然由是神情開爽學日益富文

日益奇試輒冠軍以優等食餼已而卒業城西兼課乃弟仲素及梁君春如輩余居隔一壁日相往還以文藝名行相切磨交稱莫逆已酉公方入闈邑主簿葉君新任未及面夢神言王某有隱德是科應得解榜發果符所夢公喜且懇聚族與約謂四十餘年曠事豈涼薄能堪若滿假妄爲吾族其共斥之居家時邑大夫重公品識凡利弊所關必造廬請益公侃侃直言絕不干以私後葉君以齎稅被羈公謂此君長者不可忍視極力營解得免且厚贖以助其歸資公性曠達喜讀書自高堂

奉養外不問其他每素心人來則樽酒論文日夕不厭數上公車得而復失喟然歎曰吾之艱於一第命也雙親垂白宜捧檄慰之銓謁得授畿南靜海縣係九河要衝地鹵民疲輪蹄如織號稱難治公調停有法往來無累民賴以安津門帶甲數萬雲屯境上軍民易囂公畱心訓輯皆歡呼愛戴一時獨流鎮卒爲劣弁致譁乃單騎馳諭卽俯首帖然非感孚有素何以致北公在任清白自矢案牘無留時集青衿之士分題課藝親定甲乙貧者給膏火如少司徒王公正思鼎甲高公爾儼皆公

及門也居二載邑大治薦剡十餘上甲子以覃恩贈文
林郎封太翁如其官母封孺人綸章焜耀梓里與有榮
焉明年調繁東光士民謀借寇不可得建祠尸祝比桐
鄉故事治東光一如治靜海利圖速興弊圖急除有旣
殫之力無不盡之心數年政通人和口碑載道嗣以俸
滿遷西安郡丞邑人士奔懇題畱改授河間司馬尋晉
大理寺左評事時獄訟繁夥堂卿獨倚重公恭遇今上
御極大賚封平事秩父母再荷寵榮尋轉左司副加卿
銜奉命巡楚以親老遂賦歸來舞綵導歡依依若孺子

未幾太孺人仙逝不數月太翁復捐館公號慟相繼哀
毀骨立經營塋事情文備至不以分擔望厥弟卽弟獨
承遺產置弗問也服闋命郎君輩分理家事獨於城隅
營別業執編煮酒與親舊吟嘯其中戊寅冬濟城破公
弟仲素以格鬪死無何會城失守長君之家口且損其
半公驚痛交集精神頓減余家亦罹慘禍每相對及之
未嘗不簌簌淚下公由是釀痰症發語成期期狀遂謝
客手不御杯去歲仲冬疾轉劇余兩問之相視莫能言
至十有八日奄然逝矣嗚呼哀哉公沉靜明敏孝友性

成篤好詩書至老不倦制藝醇正清超爲雅俗共賞有韻之文亦如之與人不泛交久而能敬且敦肅以御家溫恭以睦里雷封播父母之頌棘寺高水鏡之名至五世同堂芝蘭馥郁更爲濟上希有可謂福德兼隆死而無憾者矣公生於隆慶六年某月日卒於崇貞十六年某月日春秋七十有二將以某月日葬公於城西五里之新阡余少于公七歲相習相知信無過余者幸而後死自當任載筆之役謹彷彿述其梗概並系之銘銘曰孰是處也儒術見稱孰是出也吏治蜚聲乃文乃質亦

濟陽縣志

卷之十一

誌銘

四十

和亦貞旣臻純嘏復度遐齡厥品維真兮厥業維新兮埋玉發祥宜爾子孫振振兮

任公斗垣暨配合葬墓誌銘

節畧

邢其諫

任氏故青州之壽光人自先生六世祖諱士誠者以軍役始遷濟陽士誠生全由歲薦任昌黎丞全生惠任灤陽驛宰惠生才亦以歲薦任玉田司訓才生望山公諱魯配耿太孺人先生父母也公雄雋介特登嘉靖丁酉賢書任故城縣令復調甘泉茹蘗戴星兩地播清勤之頌跨蹇言歸橐中如秋水舉五丈夫子先生居四將育

時耿太孺人夢空中鼓樂導送一松至其堂覺而紅光閃爍因名曰光字內含別號斗垣岐嶷靈慧迥異常兒齠時司訓公屬以對應答如響喜曰此吾家血汗善撫之稍長日誦千言爲文多奇藻年十七姚安人來歸同邑任揚州西溪巡檢姚公廷佐女也莊靜淑和嶽嶽有士行人慶嘉偶高堂且爲解頤居三載太孺人見背先生一慟幾滅性太翁撫慰之謂老人尚無恙所需孺子日長耳是時家計窘澁先生吟哦以治十畝婉意導權安人則攻紡辦饋佐讀供舅氏養先生釋禪入邑庠益

圖發憤覓僻於僧舍午夜披吟孕六籍而洽百家遇試輒出頭地得以公餼佐甘旨顧薦蓑無年澠池未奮談者悉歎其數奇壬辰太翁仙逝蓋踰釣璜者三年矣岵屺靡瞻哀號骨立安人語及窀穸事輒涕泗交集既不忍儉其親又不能愜其願營營者久之始奉歸元室殫厥心力情文俱備觀者皆謂知禮旣葬鑄鐵硯擊唾壺益攻其業久之復柄鑿年五十有九以明經見拔入遊太學廣交名雋益拓靈襟及天啟七年六十九矣謁銓陝西蘭州判分署山丹衛山丹在秦西絕壁距都門五

千餘里落落冷局所司惟屯鹽麥豆若干區芻草若干束而私兌冒支實爲奸藪先生核實舉行出納清楚於是軍果其腹弊塞其端舊有例遺笑而却之上臺每質詞見委讞者以緩多爲賢先生片語立剖薄擬期於了案曰窮塞苦氓視絲粟如膏血取膏獻媚吾不爲也衛庠廣文偶乏先生署其事進其勤敏者相與差次文藝設程課業捐俸餉之諸學人踴躍競奮不圖今日得見鄒魯規模中丞張公直指王公兵憲耿公亟嘉先生治行薦牘勞書遞至已巳秋遷山西都閩叅軍軍民皇皇

相失曰奈何奪我仁侯謀借寇不可得先生兼以齋賀北上瀕行自薦紳以逮輿隸垂泣扳轅信宿纔出疆入都竣慶典遂反里門天倫聚首朋戚交歡不勝色喜先生體質矯健齒高而色孺見者咸謂耄期可俟去歲秋霽霖爲崇染瘧者實繁先生病安人亦病久乃有瘳入十月安人棄柩椁先生撫棺悲悼疾復作多方罔效整冠就簪遂不起先生孝友恭儉卓然人倫師表家鮮蓋藏而好施予事關義舉輒挺然倡之性安澹泊見少年豪華態不勝顏赭一切服食極其雅素至於收書則靡

問其值縹緗充棟是先生快暢事也才氣雄杰馳騁風雅問字丐筆者戶外履恒滿纂修邑乘屬操觚者四人余不敏亦與焉鋪張裁定使文獻不至銷沉者則先生爲政也家世圭組以清白衍爲家法嘗自題其像云爾貌不揚爾心頗良性剛寡合直躬近方罔振家聲粗通文章生列冠裾壽幾耄長此其言涉抑損然生平之梗概具是矣所著有閒中雜錄一映集破顏集藏於家銘曰孰博學而軌於正爲儒則醇孰鴻材而試諸小爲吏則循有斐君子爰在濟濱好速伊何令德維均羨奕葉

濟陽縣志

卷之十一

誌銘

四十三

之纍若冰操常新喜盈庭之森馥麟趾其振懿哉同室拮据同辛宦榮家慶景福同臻伏枕也而病無異症僊逝也而僅後兩旬茲靈輻并歸於壽域夫是謂之同人不朽者三咸備厥身岱宗奕奕泝水潏潏何人無往孰幻誰真有斐君子萬古千春

高長君墓誌銘

節畧

邢其諫

高長君名自詣字聖修存繩其號先世棗強人明初曰昇者始徙濟陽家焉昇生亮亮生隨隨生珎珎生守賢以子時貴累贈奉政大夫時號念吾登隆慶戊辰進士

歷官山西左布政使宦績蜚聲崇祀於鄉生四子仲有
恒號繩念雅擅文名應恩貢長君父也當萬歷丙申余
與繩念公及季述念共筆研蚤交最契久之繩念公復
延余爲長君及季君問字賔長君風標秀舉無刻不勤
有言卽入於是性靈日啟爲文汨汨饒奇氣且冲齡諳
世務余心器之應童子試卽前擢入芹宮已而余遊雁
門及媯川相睽數載還里見長君丰神盎溢鬚如戟聲
如鐘落筆驚人試輒居冠覽者擊節稱爲必售技而枘
鑿不合每憤激歌老驥伏櫪語遇新例爲民部內江張

濟陽縣志

卷之十一

誌銘

四十四

公特薦銓授定州二守旣受事冰蘖厲操運之以風力
承委立辦讞獄得情刺史倚如左右手深州疲而多盜
君攝其符勞心撫綏革一切羨贖微有所入推以辦公
前守殞於官逋庫金多多許設法代補俾其歸襯再攝
行唐一意興除霜清露湛與署深無異上臺稱爲卓魯
流亞屢入剡章遷上谷新安令延紳衿父老諮邑中利
弊商確舉行先修飾學宮授餐課藝所爲剪猾保善平
刑薄賦悉一力擔當務與閭閻圖休息實意安民民帖
帖安之以終養乞休得請及出疆數千人擁送涕泗攀

戀不忍別其季君順治初由拔貢出宰黃岡所爲撫摩
揮霍之治行一如伯氏未幾亦堅請終養得賦歸來田
荆正茂萱庭倍覺生色長君有早慧青衿子孤芳忽萎
鬱鬱不自得乙未春損脾爲恙切以承祧縈慮太孺人
命季君以次子霖爲君嗣猶子卽子固不異毛裏也爾
時加粲進酌相望霍然迨嘉平釀恙漸深獻歲丙申余
亟圖一面君曰數定莫移有何縈繫惟老母不能終養
抱痛無窮復灑泣執余手知弟莫如師願吾師誌吾墓
嗚呼余方以後事付壯者乃爲壯者任後事乎歔歔許

濟陽縣志

卷之十一

誌銘

四十五

諾仲春朔三日與合家上下相永訣嗒然而逝君席寵
履優斤斤矩度從幼善事雙親承顏遵訓無少拂其意
處兄弟有姜柳二氏風梓里談孝友者必歸之文章以
氣勝每讀昔人康濟勲猷輒思有所表見以光祖烈顧
其出也矮屋弗展琴堂未久壯懷尙屬蘊結然隨事克
負荷及人已多矣身居林下而康濟之念未銷凡修學
校葺橋梁等役卽捐貲鼓舞見邑中苦景苦情如痾瘵
在已不憚赴當事開陳之興豪愛客亭榭酌詠無虛日
與人交一露悃誠周急扶危無少愆遇有過者面折不

假借至於趣操相反則遠之若浼大都朗識定力坦意
奇情儘能濟事挽俗非選慄者所可彷彿也某年月日
與劉孺人合葬於城東北十里之新阡乃系之銘銘曰
焯焯者文語行則醇岳岳者姿語政則循於以得親於
以得民親悅民懷宏願未申好逌配德中道沉淪爰歸
新壠藹藹同人鬱葱靈貺永綏千春未酬待補子孫振
振

張松亭墓誌節畧

王琢璞

嗟乎瞻月知明挹雪知清至所爲清且明者終難舉似

濟陽縣志

卷之十一

誌銘

四十六

璞與公將無同彼其束髮砥行迄於沒齒玉尺端方可
謂醇儒自摹帷勵操迄於掛冠金莖澄潔可謂循吏卽
此大誼表表已光天壤而重鼎呂矣迺公自道平生無
奇行夫行何必奇吾觀其麗冶淫靡未嘗一流盼私室
曲徑未嘗一投足厲瞋暴怒未嘗一見面晨盥暮櫛未
嘗一失容備四時之氣洞八荒之闡機絕於漢陰神侔
夫姑射目之爲奇不可目之爲不奇亦不可或又惜其
藩隔兩闈位沉下僚人用是爲歉歉夫桂客杏廩棘卿
槐宰不過蕉夢幻榮且生而咀嚼沒而詬病者何限以

比於公耄壽令聞芳穢所得孰多矧似續百斯椒條益遠喆裔踵起弓冶彌昌縹緗之業公易簣所囑爲家珍者綿綿曷有艾期哉

陳蒼屏先生墓表碑

張爾岐

蒼屏先生姓陳氏諱王政字蒼屏濟陽人生於萬歷戊子十月十一日卒於順治癸巳十月初十日先生善治經屢舉不售崇貞辛巳以久餼貢太學遂絕意仕進種執自給以至沒世先生持身整潔遇物和厚容止造次不離儒者後生少俊望風歛戢盛氣慝容罕接其前咸

濟陽縣志

卷之十一

誌銘

四十七

歎服以爲先民典型焉其教人也必循成法初不以理學高自標幟正容程課使人自悟而已遊其門者俯首就範無敢自軼雖當聲利橫流猶知問途濂閩仰止鄒魯者皆先生開導之力也邑令聶侯慕先生名欲延爲子師學博敦勸堅辭不就其遠物役絕名累類如此以故顯人勝流名問壅閤斯古之苦節而貞肥遯無悶者矣先生韜伏旣蚤事業無徵竊恐芳烈漸遙誦法末繇敢綜梗概以告來者世儻有紀高尚之踪修逸民之傳者猶可於此得先生之髣髴乎

劉處士暨配墓誌銘

張爾岐

處士劉公歿十四年而其配姚孺人歿歿又十四年而始克葬焉貧也故緩其子後收旣與岐爲友於其葬也因備述處士生平德誼而以誌請其言曰先君子少師事張青陽先生通詩書大義不克卒業然和厚純謹有威儀善風議動踐繩墨事期古處與先妣事先王父母夙夜惟嚴盥奉盤匱巾櫛食奉匕箸坐奉席出入奉杖愉愉瞻顏伺氣視親所便力致之有不安節加一飯損一飯加一衣損一衣常敬承無失一日入城夜漏下矣

濟陽縣志

卷之十一

誌銘

四十八

適傳語王母不憚扱衽結履皇皇走東西莫可出則登陴自投下幾絕而蘇奔以至至則有瘳讀律云欺寡嫂者杖歎曰何適輕也是不有其兄不有其兄何適得杖也人於是信其能弟世農桑不豐於財值大侵輒輟所食食餓者文士途窮者尤厚給之或假儒衣冠以售欺知其欺不恨也每爲鄉里釋鬪訟爲臧獲完家室爲畜牧謹帷蓋於物多所全濟故一時賢士長者多傾心與交至今人更想之先君子生平可述者如此先孺人稱同德焉岐曰處士公之於孝弟可謂篤於天性者矣左

右就養庸節也旦而勉夕或勸焉必躬必親以終其身且以是刑寡妻至兄弟當其登陴自投不幾內不見已外不見物者乎愛篤則天全天全蹈水火可也又何怪其聞無禮於兄者惡之如見異類隕淵谷也哉由是而施及閭里以至凡有血氣者不肯身翦詩書所載何以異此猶曰不克卒業也豈以是尙絀於文采拙仕進乎卽文采誠絀其下一時文士而使之願交者不在彼在此誠不可以不誌誌之曰處士諱逢源號月江先棗強人自祖六高始遷東省數世至祖能能生宣宣生思舉

濟陽縣志

卷之十一

誌銘

四十九

思舉生尙智是爲處士公父處士事親以孝聞於鄉閭稱善士生於萬歷辛巳卒於崇貞戊辰配姚孺人克相夫子生卒於某年月日合祔祖兆之次系之銘曰學不期仕考古投軌眞愛激中蹈險如砥相維萊妻德稱女士縣棺封茲肇食釀祉天道不誣徵此墓史

高公憶繩墓誌銘

節畧

焦毓瑞

余嘗披龍門世家及蘭臺循吏傳與唐宋史籍見夫世家子弟不專以制科顯而良吏之才亦不盡由制科出也蓋觀於濟北禪修先生而益信矣先生諱自訓字禪

修號憶繩故明山西左布政使時之孫生而雋異體貌
沈凝七歲就傅稜稜露爽稍長聰穎強力雖生於世家
席豐盛而董帷馬帳足不窺園所業日富識者謂一息
千里天池立至矣顧乃數奇不偶屢蹟名場當
世祖章皇帝龍飛元年海內一統逾格求才

詔學使者舉郡邑之士升於太學不次擢用先生以英才異
等膺其選名噪都下謁選授湖廣黃州府黃崗令時

燹甫寢民困未舒先生一以保息殘黎培植元氣爲念
至禁杜刁訟鋤強扶善尤急急焉嘗自謂爲吏之道以

廉爲本奉守家訓用爲治譜祈無玷於祖考無貽累於
子孫足矣以朶頤開私竇以染指博輕肥誓勿爲也他
如仁心爲質賑濟罷民囹圄無冤辨誣恤枉愛土獲知
人之譽牧民傳仁厚之聲在任二年政通人和廢興墜
舉上游方倚以爲重顧默居深念曰千里爲宦高堂白
髮其何恃耶乃移書告養卽日解組就道歸依子舍朝
夕承歡先生之兄新安君臥病躬理藥裹雖燎鬚弗顧
是時已絕意仕進蒔花竹畜禽魚道養充然琴書自樂
四方知名之士以字來問者戶外屢常滿詩酒唱酬殆

無虛日一時相與遊者皆老成宿儒嗟乎雖元亮之高節子真之芳踪不是過矣余嘗總先生生平以觀其大節爲吏廉奉親孝事兄友裕後慈顧甫縮青綬旋即投簪千里康莊未竟其用而綵服歸田白雲在念東山高臥與化俱冥豈非古之所謂忠孝誠篤養恬知止之士耶吾聞之濟水之性勁直達於海先生生其間性不詭隨直行所志或以名川有靈誕先生以顯地德耶銘曰濟水之陽其流湯湯鍾此哲人挺秀海方升雋入洛觀國之光分符百里爰縮銀章三異有頌五袴載颺勞心

濟陽縣志

卷之十一

誌銘

五十一

撫字如彼桐鄉歸來孺慕舞綵北堂林泉怡興文采流
芳香山讌樂洛社倘徉玉樹云萎大雅淪亡佳城旣奠
是日歸藏貽謀爾後燕翼云昌金堂玉所載績青箱我
作斯銘以永其祥

刑部尚書艾公墓表碑

李 霽

嗚呼君子之仕也官守言責而已二者克盡而後食君
之祿而無愧然非知之明而守之固者鮮不以升沉毀
譽爲欣戚故干居慷慨不可一世當官蒞事遇纖毫利
害輒棄其生平者徃徃有之將古所謂精白乃心公忠

體國之臣今竟難其人焉以余觀於故大司寇艾公足以當之矣公諱元徵號長人以

國朝定鼎之二年舉於鄉明年成進士改庶吉士讀中秘書歷官翰苑由學士爲戶部侍郎調吏部晉左都御史擢刑部尙書所在著聲績天性沉靜縝密言若不出諸口而中藏介特有所見持一不移孤立行意不隨人俯仰然居心寬厚遇事惟持大體不希合一時自便利也其在戶部精心會計佐持籌以裕度支志在藏富於民經久不匱不以搜剔盈羨爲能嘗有勘田之役偕其長

履畝畿以東宣布

廷子惠元元意區畫得宜民以無轉徙失業公調劑之力居多在刑部精心聽讞以明愼欽恤爲本

子躬覽萬幾重惜民命會當酌復舊章公與同官條列往例一應釐正者若干事上之悉荷

俞允獄無大小務期得情而衷於法有不得於心則堅持已說不少變或不署名卽被鐫責處之怡然無幾微介意蓋公之於官守如此其爲都御史也風裁自持而不事搏擊獻替拾補侃侃無所避前後建白數十章皆天

下大計如廣

聖孝則有請纂

世祖聖訓及 上諭一疏重 國本則有請建 元儲之疏飭
官方則有嚴督撫考成之疏請詮法則有去變亂昭經
久之疏又謂養兵宜守成法莫如屯田養民宜培元氣
莫如緩征前後累疏言之鑿鑿灼有成算其他繩愆剔
弊則息浮議有疏戒出位有疏以及核鹽法豁包糧嚴
左道緝蠹棍諸疏或在臺或在部直行所見切當事理
每見施行其目繁多未易更僕數也蓋公之於言責如

濟陽縣志

卷之十一

誌銘

五十三

此嗚呼可謂交盡而無愧矣然有爲公惜者公起書生
早年遊宦八座不可謂不遭時柄用矣而才有不盡見
意有不盡伸鬱鬱齋志以歿斯人事之不能齊者也爲
人長者與物無城府樂施與好生爲善如不及而無疾
以終不登中壽琴書之暇有餘恫焉斯天意之不可測
者也在天與在人者卽聖賢亦無如之何而爲之自我
當如是者公固自反無歉也夫亦可以含笑九原矣公
世籍棗強遠祖遷濟陽考曰沙河令馥妣孫氏祖曰處
士嘉猷祖妣曲氏曾祖曰鄉耆公試曾祖妣張氏皆以

公貴贈封如例公以天啟甲子年四月二十六日生以
康熙丙辰年七月四日感疾卒壽五十有三以明年三
月二十六日葬於

賜塋之兆域娶董氏繼曹氏俱先卒皆贈一品夫人祀子
廕生汝霖余與公同年同官三十餘年遊處言笑無間
晨夕知之最深於其歿也爲長句四百言以哭之交情
畧備茲復以汝霖之請彙次其立朝立身之大而可傳
者鑱石墓道俾表著於後世

王君修齡暨配艾孺人墓誌銘 吳 壇

濟陽縣志

卷之十二

誌銘

五十四

君諱櫬年字修齡姓王氏其先東牟萊陽人也始祖善
成遷居濟邑累多陰德越六傳及台族始顯實爲君太
高祖高祖享誥贈中憲大夫曾祖良相官大理寺少卿
祖視遠父公鳳皆廩膳生君賦性穎悟器宇豁達七歲
就外傳讀書能舉大義善屬文十九補弟子員旋入成
均候選訓導君數歲而孤鮮兄弟事母高太孺人喻意
承志垂五十年如一日輕財好義嘗捐貲倡修學宮兩
廡暨大成門垣牆皆煥然一新曲堤舊有關帝廟鄉人
以舊基狹隘欲廓大其模以鄰皆居宅難之君捐地以

詣公女太君去世後公事太夫人喻意承志垂五十年
如一日輕財好義施予慷慨乾隆十四年邑學宮兩廡
剝落大成門暨垣牆傾圮公倡力捐貲葺殘益闕訖今
堂宇壯闊門牆嚴整皆公之力也曲堤鎮古有關帝廟
與公宅園相近於康熙六十一年重修鄉人以舊基狹
隘欲廓大其模以鄰皆居宅難之公卽捐地以方其址
而廟貌賴以宏敞生平留意箴銘見沈繹堂石刻勿謂
一事可輕等語標諸壁以示不忘規子孫曰箴銘多矣
此尤爲處士藥石宜佩服之以終身晚年雅慕東籬樂

栽花煮茗爆茆簷冬日涼竹簟暑風琴書自娛優游卒
歲未嘗牽世務故翁邑令扁其額云齒德並尊時乾隆
己卯也又逾年而公沒公元配艾孺人邑大司寇元徵
公堂弟元彭公女也生而婉約慧心馴行頗能讀內則
女誡諸書及笄歸公仔肩家政條理井井不貽公內顧
憂以故得專攻肄業高太夫人喜曰吾家世有淑德今
又得佳婦矣乾隆六年歲旱田無獲眷屬數十口委積
僅贍半載孺人躬節儉斥冗費黜奢華歲得不饑邑侯
作霖郎公素與公相善以庫欠當下獄孺人謂公曰士

方其址而廟貌得以宏敞生平留意箴銘見沈繹堂石刻有勿謂一事可輕之語標諸壁以示不忘晚年琴書自娛優游卒歲邑令翁以齒德並尊扁其門淑配艾孺人生而婉約有林下風及笄來歸理家政井井不貽君顧憂乾隆六年歲祲眷屬數十口委積僅贍半載孺人躬節儉勤操作歲得不饑邑令郎公素善君以庫欠幾獲罪孺人曰士窮見節義今世握手出肺腹相示一旦臨小利害反顏若不相識比比皆是不可效也遂出貲代償郎公乃得免至助人喪葬完人昏娶令德之行

濟陽縣志

卷之十一

誌銘

五十五

未易更僕數矣君生卒於某年月日孺人先君十年卒君承重孫迺晡將葬君於廷尉墓西之新阡以狀請於余余不得以不文辭爰作誌而系以銘曰烏衣世胄肇自萊邦積德六代族乃其昌延及公世肅穆冠裳行修言道特達圭璋孺人媲美淑慎貞良高邱永奠長發其祥桂香蘭茂奕世無疆

教諭高公暨配墓誌銘

節畧

耿賢舉

公諱廷樞字景垣又字挹岱其先山西左布政使時以治行祀鄉賢生有恒子二長自詣令新安爲公曾祖次

窮見節義今世握手

指天口誓生死不相

背一旦臨小利害反顏若不相識落陷阱不一引手救者比比皆是不可自君而效尤也遂出私貲與公以代償其欠郎公乃得免太守金公欲詳請旌獎後以去任不果至周人祭葬助人昏娶惠均童僕課勤機絲此類殆不可以勝數矣孺人先公十年卒公生於康熙二十五年十二月十二日子時卒於乾隆二十六年十二月十五日酉時孺人生於康熙二十六年四月二十一日寅時卒於乾隆十六年十月二十一日戌時公承重孫

濟陽縣志

卷之十一

誌銘

五十六

迺喃將葬公於廷尉墓西之新阡以狀請於余余不得以不文辭爰作誌而系以銘曰烏衣世胄肇自萊邦積德六代族乃其昌延及公世肅穆冠裳行修言道特達圭璋孺人媲美淑慎貞良高邱永奠長發其祥桂香蘭茂奕世無疆

教諭高公暨配墓誌銘

節畧

耿賢舉

公諱廷樞字景垣又字挹岱其先山西左布政使時以治行祀鄉賢生有恒子二長自詣令新安爲公曾祖次目訓令黃岡爲本生曾祖祖霖江南淮安府裏河州同

自訓令黃岡爲本生曾祖祖霖江南淮安府裏河州同知父佶平陰教諭子五人公其長也早慧及長工制藝年十七受知於督學崑圃黃公取入縣庠旋食餼屢試輒冠軍邑中張蒿菴前輩有儀禮句讀一書公見之曰經學津梁也爲之刊布乾隆戊午舉於鄉壬戌會試列明通明年授選魚臺教諭魚臺春秋魯棠也地沮洳土或窳於學公至卽倡修 文廟集諸生於堂勗以砥行績學昕夕無間子卯二科登賢書者四人嗣丁外艱服闋補濰縣教諭平居論文決科言多億中至是刊作文

格言昭示士子所取士相繼捷登道憲沈公稔公名檄主北海書院生童百餘人指授文藝悉有法度萊士從學者六年彬彬知爲胡文定弟子公習經術學期世用爲諸生時條陳里中利弊咸中當事意辛酉有積貯備荒一摺上之巡鹺周公謂以鹽票改爲官運官賣蓄穀以利民畧見諸施行在魚濰委查災黎戶口不漏不濫丁卯以監修泰山大工晉級庚辰督修濰之白浪河不旬日蕝事其幹濟之才類此辛巳入都引

見仍回原任余雅善公兄弟適同事京邸見公精神矍鑠

晚年建白不知更當何如詎越次年卽聞赴召於濰之官廨嗚呼可哀也已孺人艾氏爲同邑大司寇元徵公侄孫女二品廕生朝銓公次女及笄歸公不以世胄自矜能甘澹泊執婦道孝慈勤儉隨任佐理家政靜好不懈先公十五年卒今承重孫世翰將葬公於城南新阡屢請誌於余誼不獲辭旣誌而系以銘曰秉鐸師帥守令與匹乃時不獲瘞庫縮瑟公承家學守而勿失旣成乙科青氈載述干棠矜式濰水品隲兼試之治蒸蒸寧一新卜佳城從以韓姑亦孔之鞏子孫逢吉

濟陽縣志

卷之十一

誌銘

五十七

艾公丹亭暨配戴孺人墓誌銘

宋 弼

艾公丹亭者以乾隆十五年先父瑟菴公卒遺囑不敢先父卽安伊孤承芳樹滋遵命於乾隆二十七年舉祖大事訖迺今而後於乾隆二十九年同戴孺人柩往葬於孫耿迤西之新阡禮也余與公弟同膺選拔且同郡交接甚久其生平知之備悉適其孤承芳以墓銘請故能歷歷言之公諱光紱字兆麟丹亭其號也父瑟菴甫恂刑部四川司員外郎前令豫省涉縣甘棠遺愛口碑可考公復由博士弟子員歷鑲藍旗官學報滿以知縣

卽用因母病不就職生事死葬垂二十年始授廣西武緣縣知縣內雜苗疆外接交趾號稱難治公因其人情徐施教化無不漸就公範圍焉泗城府改流甫二載民將生變公奉委往署一接印而土民已聚衆萬餘持刃環向矣時左右面覷無人色公出署大聲揚言曰吾武緣署鎮安府者今且爲爾父母天兵精銳爾等身經目覩創痍未復輒忘之乎宜各歸家安業不得妄爲衆則羅拜於地懽呼散去漢張綱之廣陵宋張詠之益州如是如是公之署鎮安府也交趾國因失誤接

詔巡撫奉

旨整師有期矣召公問情形公聚米畫灰指陳方畧且言交趾素恭謹必不敢貳宜先遣使問罪然後徐圖勦除巡撫以爲然交趾果以

詔書不自廣西而偶自雲南至出於不意爲解哀懇轉題進貢請罪眞所謂一紙書賢於十萬師者矣此一段沉智英畧固自天性帶來倘亦有所謂家授淵源者非耶昔南北朝傅氏世善縣尹一時喧傳其家有秘本不傳今且得之囊中未見行且脫穎而出奈何百里羈足怛化

蝶夢竟將與戴孺人丹旒齊飛埋玉於北邙山下也孺人歷下名族候選教諭諱文誥公女太僕寺卿諱璠公孫女也素嫻內則亦殊非巾幗者流亞公署泗城時有狂徒自稱盤王惑衆射利盤王想所謂盤瓠也上憲委思恩審理凡獲黨羽押赴武緣二堂枷鎖鐙鑼聲晝夜不絕孺人聞之惻然曰彼縱應死自有王法在死於凍餒則有司之責也爰賜衣食醫藥後事白獲釋恩感再造不然者死矣夫人城獲全生靈亦復奚讓焉公享年六十四歲孺人享年六十八歲生子二承芳廩貢生樹

濟陽縣志

卷之十一

誌銘

五十九

滋增貢生孫男八膠庠接跡仲孫庠生生學出嗣叔弟孫女四人曾孫男五頭玉崢嶸曾孫女八人秘本不傳傳之奕禩者正尙未有艾也銘曰理根太極不生不死先揆後揆何俟筆紀庭可羅雀童不執雉老人兒啼罷市閭里面無可提事無可指緬維孺人夙諳內則永世倡隨同歸窀穸有如此石壽黃泉裏

主簿高君墓誌銘

胡振組

山左高君諱廷棟字軼陵又字肇岱濟陽人五世祖時在明以進士起家官至山西布政使父佶

國朝平陰縣教諭君幼孝友嗜學童試冠其曹受知彭督
學使旋列增廣生援例入成均乾隆五年効力河工於
曹縣捐栽葦數頃秋汛平善六年挑商邱引河大堤獲
堅全七年馳驛放閘築壩奔走二千四百餘里區畫周
詳上憲多其能委署曹縣巡檢八年挑祥符黑堽引河
著勞績復委署祥符主簿九年平耿家寨險工十年平
五堡大險調署商邱主簿越二年實授凡動土工遇民
間坵墓曲爲保全商邱歲歉捐俸代賑併市櫛座骸至
忘勞勩雖患足疾弗卹也次年丁父艱三載服闋赴工

查河標站路丈量緯道改建大營恭送

聖駕兼成濟寧土石諸工十七年夏鎮防險又刷修魚沛滕
嶧四汛湖河明年防險原陽封三汛計筮仕十餘年致
身宣力夙夜匪懈不以官卑苟安又於九道堰勘河過
勞嬰疾行至武陟遂卒於中表戴燾之署年六十矣嗚
呼君素以功名自負爲諸生卽手著河防芻議一書居
官清慎久諳河務凡所任理皆艱鉅煩苦爲他人所難
勝者總河白公委任大役者廿餘次完顏公委任大役
亦廿餘次余嘗悉心誦諉尤無纖毫悞焉今竟以旅邸

卒能不爲之悼怛哉完顏公表其河防盡瘁余旣爲致祭併誌而銘之銘曰一行作吏惟致其身彼婉變者恇怯因循天下之險厥惟孟門投筆運甓馳驅艱辛官不績酬年不志伸古往今來憑何問君

艾君崑峯暨配李孺人墓誌銘

毛輝祖

艾君諱啟源字崑峯世爲濟陽之孫耿里人自始祖子敬由棗強遷山左十一世而至丙戌進士刑部尙書元徵是爲君叔祖戊子舉人馮君之曾祖太學生贈文林郎元烈君之祖候選徵仕郎朝錦君之考也徵仕公舉

濟陽縣志

卷之十一

誌銘

六十一

丈夫子三而君居長幼有文名以主持家政入太學不得終舉子業事王父母得其歡心執親喪哀毀成疾撫兩幼弟怡怡無間言君家自司寇時門族鼎盛人文科第著於濟南君雖世胄而獨甘恬淡不逐逐於聲色貨利間居恒植小景花石以自娛樂精岐黃之術請謁者卽盛暑祁寒無倦色囊儲藥餌以周貧病鄉人賴以全活者甚衆卒之日四方奔走弔奠多感恩泣下者昔人有言士君子立身處世凡一事一言皆期於物有濟公之蘊負雖未克展用於時而施濟無窮是亦仁心爲質

之一驗矣享年六十有五配李孺人順天府丙戌進士
禮部尚書奭棠公曾孫女孝事繼姑族黨賢之母氏老
無依託孺人迎養於家殮葬之豐皆自經理喜施與而
慈以逮下亦可謂貴而不驕能執婦道者享年六十有
七男五人冢子藻將以戊寅冬月卜葬祖塋之次述狀
赴楚請銘於余余故世講且戚誼也不得不以文辭爰
誌而系以銘曰孝篤於家惠孚於世厥配襄之休哉弗
替壽考同歸永昌後裔

高公路潭暨配邢孺人墓誌銘 節畧 焦汝翰

濟陽縣志

卷之十一

誌銘

六十二

公諱廷模原名廷楨字漢瞻號潞潭明名臣時五世孫
平陰教諭佶四子也幼聰敏異常兒稍長勵志攻苦常
通宵不寐患疥臥牀數月取毛詩研諷疾愈而一經淹
貫里中先達咸畏之通五經精思多創獲百家無不窺
探工書法舍前青桐一株摘葉習字桐葉皆遍弱冠補
弟子員試輒冠軍所作制藝人爭傳誦撫藩各憲觀風
七次皆第一制軍田公廉使唐公尤愛重焉歲辛酉受
知督學徐公選拔貢成均聲藉都下念父岱宗公年臻
大耋請假歸養遂不復以功名繫念時年四十有三每

談論古今助親豫稅宛若孺子老人聽之忘倦前侍母
戴孺人病衣不解帶藥必親嘗居喪三年不苟葷二十
餘年歲時奠拜未嘗不沾衣泣下嚴課弟姪及子次第
遊泮登科壬申長君之璿以孝廉司鐸青城公曰職無
崇卑顧自盡何如耳訓以謹身率士養育人才爲要長
君奉以周旋士風大振丙子戊寅舉優三人張生增貢
成均居東省第一張生璵領鄉薦洎汝翰忝登甲科與
館選青邑稱爲百餘年僅事咸推其淵源有自焉公嘗
懷磊落不問家人生產事性嗜書手不釋卷濟人利物

汲汲如不及少赴省試拾遺金待其人還之不告以姓
名妻母年老迎養終身葬祭以禮里有病危篤者爲延
醫施藥得生全邑學宮前繭市舊爲奸人撓力爲經營
請諸當事設法招復之有時排難解紛談言微中所至
如春風拂物見者意消每閱傳記見前人厚德事隨筆
記錄貼座右務期身體力行時指以訓誡子孫戊寅邁
疾彌留之際整頓衣衾不使稍涉偏斜遺命勿作佛事
享年六十卒以長君贈修職郎如其官配孺人邢氏宣
府東路同知諱其諫公元孫女處士諱知慎公女年十

五歸於公性端嚴貞淑識大體事舅姑能得歡心妯娌五人雍雍和睦姑命內政畀孺人獨綜之夙興夜寐任勞推逸經紀鉅細咸有條理御下嚴而不苛臧獲輩畏而戴焉自封翁以下五世考妣忌辰孺人皆虔記於心弗偶忘至日必預修蘋藻脩祭墓需諸子在孩提卽訓以義方弗稍假常言蒙以養正雖嬉戲亦宜使循禮法姑息生玩習與性成不可不慎也凡奉養甘旨賓客中饋胥躬自措辦斟酌豐儉務殫芳潔俾公無纖毫內顧憂得肆力墳典洵內襄之力居多云銘曰河嶽英靈鍾

濟陽縣志

卷之十一

誌銘

六十四

時偉人接武曩哲來啟無垠敦詩說禮如井大春洙泗溯脉濂洛探源配以淑儷含章象坤全歸所受厥道恒尊長發其祥永裕後昆

楊烈婦殉夫碑銘

明任光邑人

嗟乎碑而銘銘婦之節也婦姓蕭氏父名三省年十六于歸楊之垣長子一中父子俱兵役生活婦幼有貞性寡言笑克順夫子孝養舅姑年二十五歲生一男一女萬歷三十五年八月十六日一中病故婦痛之幾死者屢矣必欲殉夫之窆也姑覺而曲喻之曰汝偕兒亡如

我何如此幼男幼女何婦飲泣起仍不食姻戚婦來弔者代姑喻解之婦曰婦之天夫也天實而身滅違計其他况婦有弟且有子上可托而下可嗣乎吾知從吾天地下吾事畢矣何生之爲迨三日遂縊而死嗚呼人生誰不死婦人而能節死者世有幾人哉是婦也生長於編氓之家而全節於夫婦之倫從容就死流芳萬世雖古之烈婦奚以加嗚呼烈矣其節完矣碑而銘宜矣婦死在三十五年八月十八日合葬於夫在九月初九日其墓在縣南吳家寨之左銘曰死生之際所關大矣宜濟陽縣志

卷之十一

誌銘

六十五

死而求生生輕於鴻毛捐生而就死死重於邱山婦死於夫者人情之尤難死君者義死親者仁婦死於天仁義維均嗟爾蕭氏竟殉其夫不貳其心嗚呼斯銘式銘其心

孫烈婦殉夫碑誌

國朝

劉星樞

婦邑人劉治民女年十七適同鄉孫應虎男之瑄賦性愚魯婦不知其愚也善事之且孝順敬謹內外稱之無間言生子二之瑄歿婦欲以死自完以爲夫奉垂白撫孤幼姑未亡耳後二孤相繼殤婦年甫二十有六舅姑

父母憐其無依迫之嫁婦呼天自誓願與孫氏癡兒瘞同穴焉閉戶自經者再死不獲防之者彌嚴乃給以不死狀衆弛其防清明拜夫墓歸遂咽砒自盡嗟乎從容就義鬚眉所難况婦以農家女乃能志篤所天如斯不尤難耶龍明府扁其閭曰義著靡他旣而鄉先生張君諱爾岐者以方伯施公聘修東志臚始末以告編入諸完人籍矣邑人士猶懼其年遠而湮也勒石表墓以圖不朽而索文於余余以事關風化不忍以不文辭於虜人之福命其亦何常天卽甚愛若婦配以賢明之士錫

以耄耄之年終以偕老之歡養以子女之奉亦不過當時蒙休沒則已矣惡能生氣常存膾炙人口扶倫常以不敝偕日月以爭光合千百世之朝服縞練暮試新粧者愧悔欲絕也哉以彼較此其輕重得失爲何如者則斯石之勒何可廢也首厥事邑諸生盧子廷公遵父乘龍遺命以代有終義舉也

節婦彭太君墓誌銘

楊統正

爲人妻爲人母而以節見此事之不幸也然爲人妻爲人母宜以節見而不以節見亦豈得爲幸顧節矣而以

身殉所天聽藐孤淪喪而莫知所底則其節激而未正
或俯仰有資則其節正而未苦或長此艱難不暇問課
誦之業熊丸之遺則其節苦而未成更或婚媾完兒女
之願畫荻成孫枝之秀而於親屬里黨無所稱述也則
其節成而未顯千古名媛光照史冊而諸善俱備者殊
僅見也我伯母彭氏係齊河望族世豪公次女年十八
歸伯父化敖公四載伯父捐館遺孤福恒在襁褓伯母
一身兼子道婦道者三十餘年家貧力薄菽水維難伯
母奉養舅姑甘旨無缺仰事俯育悉從針指紡績而來

後家事稍殷畫荻熊丸之教復督於孫侄盡臣弱冠採
芹祖母訓也伯母素性純孝姑疾經年竭力醫禱涕沾
襟袂見者爲之太息治家嚴肅馭下慈祥樂善好施親
族及鄉士大夫莫不交相贊述雍正丁未余官蜀地盡
臣懼懿行闡模日久無聞致書請記其事方荷
恩綸屢頒意在整齊風化合學公呈府縣督撫據實以
聞恭膺旌表此實

朝廷曠典豈止宗黨戚里之光銘曰盤根錯節視苦如飴
旣嫻箕帚復謹卮匱女曰守貞母道維慈熊丸午夜機

杼無時歲寒松栢千古如斯嗚呼後世子孫其永念兮
無替此徽音之遺

濟陽縣志

卷之十一
誌銘

六十八

瓦硯銘

張爾岐

此銅雀臺瓦也而或疑其僞予曰有硯之用足矣安取
於其眞而云可貴使臺上之人至今存耶吾將唾其面
而鞭其背鬼蜮之餘烏得不爲硯累幸哉其僞也姑免
抵碎